

4. *Sthenarus maculipes* REUT.

Diagnosis: Ovatus, breviusculus, niger, nitidus, supra subtiliter griseo-pubescentis, pilis aureis faciliter divellendis hic illic sparsis; antennis maris crassiusculis, feminae paullo gracilioribus, fuscis, articulo primo flavo-testaceo, basi maculaque ante apicem nigris, vel fusco-testaceis vel testaceis, articulo primo pallidiore, unicolor vel tantum puncto nigro ante apicem notato, articulo secundo latitudine basali capitidis circiter $\frac{1}{4}$ longiore; apice femorum tibiisque flavis, his spinulis nigris e maculis vel punctis magnis nigris nascentibus, tibiis anterioribus ante apicem late inpunctatis, apice omnium tarsisque sat robustis fusco-testaceis, his interdum medio flavis; segmento genitali maris magno, subtus longitudinaliter subtiliter carinato. Long. ♂ $2\frac{1}{3}$ — $2\frac{1}{2}$, ♀ $1\frac{3}{4}$ mm.

Hab. in Austria!, a D. LETHIERRY benebole communicatus (♂); Gallia!, DD. LETHIERRY, PUTON (Apt) et REY; Graecia (Peloponnesus!), D. Dr KRUEPER.

Deser.: A praecedente corpore minore, antennarum structura et colore tibiisque maculis nigris majoribus mox distinguendus. Corpus ovatum, breviusculum, nigrum, nitidum, supra saepe nonnihil purpurascenti-micans, subtiliter griseo-pubescentis pilisque aureis faciliter divellendis hic illic parce sparsis. Caput fere verticale, a basi usque valde declive, verticis margine postico acuto, sed haud vel vix carinato, utrinque ad oculum foveola oblonga obliqua leviter impressa notato, clypeo basi cum fronte omnino confluente. Rostrum piceum, coxas posticas paullulum superans, articulo primo caput parum superante. Antennae dimidio corpore paullo longiores, fuscae vel fusco-testaceae, subtiliter pubescentes, articulo primo testaceo, unicolor vel plerumque summa basi maculaque ante apicem nigris, interdum testaceae (praesertim ♀), articulo primo paullo pallidiore, ante apicem punto parvo nigro notato; *maris* crassiusculae, articulo secundo latitudine capitidis basali circiter $\frac{1}{4}$ longiore, sat crasso et apicem versus sensim adhuc paullo crassiore, articulis duobus ultimis simul sumtis secundo longitudine aequalibus vel hoc paullulum longioribus, quarto tertio circiter $\frac{1}{3}$ breviore, apice saepe luteo; *feminae* sat graciles, articulo secundo apice paullo incrassato, latitudine basali capitidis tantum paullulum longiore, duobus ultimis simul sumtis secundo fere longioribus. Pronotum nigrum, trapeziforme, a basi ad apicem leviter convexum, apice longitudine fere latius, lateribus late rotundatis, disco sub-glabrum, lateribus distinctius pubescens. Scutellum nigrum, subtiliter transversim strigosum. Hemelytra nigra, nonnihil purpurascenti-micantia, subtiliter griseo-pubescentia pilisque aureis hic illic sparsis faciliter divellendis; membrana tota nigra vel fusca. Femora nigra, apice flava. Tibiae flavo-testaceae vel albido-flavae, basi concolore, nigro-spinulosae, apice leviter fuscescenti-testaceae, maculis vel ad partem annulis nigris variegatae, anticae maculis tribus nigris, quarum ultima in medio vel mox infra medium posita; intermediae maculis quatuor apiceque nigris, inter maculam ultimam et apicem latius innotatae; posticae maculis circiter 6—7 et apice nigris, subtus adhuc punctis nonnullis nigris notatae, maculis superioribus tibiarum intermedium et posticarum interdum in maculas duas geminatim positas partitis. Tarsi minus graciles, fuscescentes vel articulo secundo testaceo, articulo tertio secundo longitudine